

本灣訪函云。昨十六號。鍾穎川堂。敬設茶會。歡迎鍾榮光及鍾仲芍謝超傑區詠篤周文波諸先生。駕臨指教。時至下午一點。諸先生一齊至鍾穎川堂。該堂昆仲。肅整衣冠。相爲迎接。一一握手爲禮。隨即延入禮堂。稍事憩息。即由該堂總理羣楹君。搖鈴開會。宣布開會理由。并致欽仰兩先生德隆望重之好意。隨即敬請鍾榮光先生演說。大意勉勵該堂昆仲。必要愛國愛鄉。固結團體。互相扶助。次及教育之前途。當如何整頓。并發揮農業爲當今急務。當如何改良。我廣東方能足衣足食。不須仰賴他方。洋洋數千言。說畢。鼓掌之聲。宣達戶外。是時日將傍晚。乃開茶會。如儀而散。洵盛會也。

灣城致公總堂之踴躍勸捐

鍾榮光先生駕抵灣城爲嶺南農業大學募捐。該埠致公總堂念教育之重要。故即派出會長黃仲和，李明靚，及洪少植，雷家平，梁傳福，葉炎林諸先生。沿門勸捐云。至德總堂則派蔡仲榮，周秋賀，吳業欵三君勸捐。昭倫堂亦派人動捐。可見古巴僑胞之踴躍贊助農大矣。

惺可鄉先生執事日昨辱勞

台從枉顧敝院倒履歡迎昌勝榮幸

先生以教育大家老成碩望督辦嶺南大學成績之高規模之壯人才蔚起文化廣敷久矣譽美中西惠孚桑梓孰不仰瞻

崇校敬佩傾心此次來募農科大學捐款海外僑胞如許踴躍殆由先生盛德感人之深早有所在也敝院同人暨全班男女優伶等請願報効夜場演劇一本所有場中各項費用概歸本院自支收入座位券金全數奉充

賞校學欵聊表微誠希爲

賞納至定何日開演謹候示下祇遵肅預達敬頌
籌祺

中華戲院蘇怡章等謹啓 三月十九日

鍾先生覆中華戲院函

亞灣中華戲院怡章先生暨貴同事列位先生左右昨午奉到惠書過勞獎勵愧不能當復承盛誼許以夜場演劇一本所有場中各項費用概歸貴院自支收入座位券金全數奉充敝校學欵聞命之下感激莫名承詢開演日期前聞